



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Schvvarczachium monasterium in Franconia seu Francia Orientali.

urn:nbn:de:hbz:466:1-11261

librordo in opere Apostolico coadiutor fuit
sacrum corpus adseruat. De S. Suitberto vi-
de pariter Molanum libro citato. Hæc ferè
nobiscum conuiuicauit Illustris ac Reueren-
dus admodum D̄ominus Abbas Vverdinensis
cum Antuerpiæ anno 1613. nobiscum verfa-
retur.

*Schvvarczachium monasterium in Franconia
seu Francia Orientali.*

815.

Insigne istud monasterium, in eiusdem no-
minis, apud Ostrofrancos ad Moenum am-
nem sito oppido, fundatum & liberalissimè
dotatum est in honorem Christi Salvatoris,
B. Virginis Mariæ. S. Sebastiani, ac Felicit-
atis Martyrum, sub Episcopo sexto Herbipo-
lensi VVolfigero, anno Christi 815. imperante
Ludouico Pio, à Meginigando Duce Ostro-
francorum & Comite Ratemburgensi ad Tu-
barum, & ab vxore eiusdem, Ima, alibi Imina
dicta, Genebaldi Regis Francorum filia: quo-
rum amborum in eiusdem cœnobij templo
corpora humata sunt. Dedit fundator statim
Abbatı primo villam Schvvarczachianam, &
præterea multa alia loca expressa in litteris
fundatorijs, quarum colophon talis est: Tra-
dimus vobis & concedimus tibi Benedicto &
monachis tuis præsentibus & futuris, solius Dei
& peregrinorum hunc locum cum omnibus ibi-
dem contentis, vt orare debeat is pro felici statu

S. Ma-

S. Matris Ecclesiae, & pro incolumitate dominorum Regum imperantium, praesentium, & futurorum. Actum in Megnigaudenhausen super fluuium Leymbach. Data mense Martio, anno 816; regnante Ludouico.

Hirsaugiense monasterium, in Germania.

Huius monasterij fundatio facta est anno 830. per Erlafridum Comitem & filium eius Nottingum. Consecratio autem facta est in honorem S. Petri & S. Aurelij Episcopi anno 838. per Otgarium Archiepiscopum Moguntinum præsentibus Hildibaldo Archiepiscopo Coloniensi, Rabano Mauro Abate Fuldenzi, Hildeuiuio Abate S. Dionysij, alijsque plurimis cum sacrum politici ordinis proceribus. De eo plura qui volet Hirsaugiensis monasterij Chronica per Ioan- nem Trithenium edita consulat.

CAPVT XLV.

Arremarensis Abbatia, vulgo Monstierameij,
in D. Trecensi, in Gallia.

Cenobium Arremarensse siue Adrem a-
rense Ordinis S. Benedicti, quatuor
dumtaxat leucis à Tricassina ciuitate
subductum est, quod etiam Deruanse nuncupatur;
eo quod in Deruansi silua prima eius
fuerint fundamenta collocata, auctorem